



# ULihle noLwandle bafunda ngehlobo

Glanice Masilo  
Khanyisa Masemola





ULihle noLwandle baya kumtapo  
wolwazi bayofunda ngoba babhala  
izivivinyo.

ULihle ulinde ngaphandle. Ubiza  
udadewabo, "Sheshisa Lwandle!"





“Sengilungile,” kusho uLwandle evala umnyango wangaphambili.

“Kungani ugqoke lezo zimpahla? Yini inkinga yakho, uyangula yini?” kubuza uLihle.



“Uma isimo sezulu singabanda, ngizobe ngizilungiselele!” ehleka kakhulu uLwandle.

ULihle uyaphendula, “Usuku olufudumele lwasehlobo, wena ugqokele isikhathi sonyaka okungesona.”





Njengoba behamba, uLwandle uthi,  
“Kusekuseni, ilanga selibalele futhi  
likhanya bha.”

ULihle uyaphendula, “Yebo, yingakho  
wonke umuntu egqoke izimpahla  
zasehlobo!”



ULihle uyachaza, “Kulesi sikhathi sonyaka, ilanga lisheshe liphume, bese liyephuza ukushona kunakwezinye izikhathi zonyaka. Maningi amahora asemini. Amazinga okushisa aba phezulu kakhulu ehlobo.”





“Awusakhumbuli lutho kulokho esakutshelwa uthisha wethu?” kubuza uLihle ephelelwa isineke.

ULwandle uyacabanga, bese ethi, “Yebo, ehlobo siphuza iziphuzo ezibandayo. Ngifuna isiphuzo esibandayo!”



“Ehlobo sigqoka izimpahla ezilula. Abanye abantu basebenzisa izambulela ukuzivikela elangeni,” kusho uLihle.

“Ungasheshisi kakhulu, ngiyafa ukushisa!” kukhalaza uLwandle.





“Bheka wonke umuntu uyazipholisa echibini lokubhukuda. Asihambe nathi siyobhukuda, kushisa kakhulu ukuthi singayofunda,” kuhleka uLwandle.

ULihle unikina ikhanda ezwa udadewabo esho lokhu.



“Ngiyawathanda amagwava namalitshi,” kusho uLihle, ebuka izithelo zasehlobo ezidayisayo.

“Ngomile,” ephefumulela phezulu uLwandle.

“Thatha, bengiphethe amanzi,” kumoyizela uLihle.





“Lokhu kushisa kudlulele! Liphela nini ihlobo?” kukhefuzela uLwandle.

ULihle uyahleka, “Kuzomele ujwayele ngoba lisanda kuqala ihlobo. Amazinga okushisa azoqhubeka ekhuphuka.”

## —Imibuzo

1. Thola okuthatha kule ndaba okwenzeka ehlobo.
2. Iyiphi intombazane egqoke izingubo:
  - zasebusika?
  - zasehlobo?Chaza izimpendulo zakho.
3. Ingabe ihlobo lapho uhlala khona lihlukile noma liyafana naleli okuxoxwa ngalo kule ndaba? Chaza.
4. Bhala izinto ezimbili esingazisebenzisa ukuzipholisa.





Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: ULihle noLwandle bafunda ngehlobo

Author/s: Glanice Masilo

Translator/s: Zanele Ndlovu

Illustrator/s: Khanyisa Masemola


Assurer/s: Sifiso Khoza

Language: isiZulu



© Zenex Foundation - Saide 2023

CC BY includes the following elements:

BY  - Credit must be given to the creator

